

AUGLÝSING

um umferð á Þórshöfn.

Að fengnum tillögum hreppsnefndar Þórshafnarhrepps og samkvæmt 81. gr. umferðarlaga nr. 50/1987 eru hér með settar eftirfarandi reglur um umferð á Þórshöfn, sbr. auglýsingu um hámarkshraða á þjóðvegum nr. 250/1987.

I. KAFLI.

Aðalbrautarréttur.

A. Aðalbrautir:

Eftirtaldar götur skulu vera aðalbrautir:

1. Fjarðarvegur
2. Langanesvegur.

B. Stöðvunarskylda:

Á eftirtöldum götum skal vera stöðvunarskylda:

1. Á Austurvegi gagnvart Langanesvegi.
2. Á Hafnarvegi við gatnamót Langanes-, Fjarðar- og Eyrarvegar.

C. Biðskylda:

Á eftirtöldum götum skal vera biðskylda:

1. Á Pálmholti gagnvart Langholti.
2. Á Langholti gagnvart Langanesvegi.
3. Á Bakkavegi gagnvart Langanesvegi.
4. Á Bakkavegi gagnvart Hafnarvegi.
5. Á Vesturvegi gagnvart Langanesvegi.
6. Á Miðholti gagnvart Langanesvegi.
7. Á Eyrarvegi á gatnamótum Langanes-, Fjarðar- og Hafnarvegar.
8. Á Hálsvegi gagnvart Fjarðarvegi.
9. Á Lækjarvegi gagnvart Fjarðarvegi.
10. Á Sunnuvegi gagnvart Fjarðarvegi.

II. KAFLI.

Stöðvun og lagning ökutækja.

A. Bann við stöðvun ökutækja:

Engar sérreglur gilda um bann við stöðvun ökutækja á Þórshöfn.

B. Bann við lagningu ökutækja:

Bann við lagningu ökutækja skal merkt með viðeigandi umferðarmerkjum og einnig með litamerkingum á kantsteini.

Bannað er að leggja stórum ökutækjum (stærri en 2,8 t.) þar sem það er sérstaklega merkt. Þá er bannað að leggja stærri ökutækjum um lengri tíma (meira en 2 klst.) nema á sérstaklega merktum stæðum fyrir stór ökutæki og vinnuvélar.

III. KAFLI.**Gangbrautir og hraðahindranir.****A. Á eftirtöldum stöðum skulu vera gangbrautir:**

1. Á Fjarðarvegi við gatnamót Langanesvegar.
2. Á Fjarðarvegi á móts við lóðamörk Fjarðarvegar 2 og 4.
3. Á Langanesvegi við suðurenda húss nr. 1.
4. Á Eyrarvegi við suðurenda húss nr. 2.
5. Á Hafnarvegi á móts við húsið nr. 2 við Eyrarveg.

B. Á eftirtöldum stöðum skulu vera hraðahindranir:

1. Á Fjarðarvegi á móts við hús nr. 23.
2. Á Langanesvegi á móts við hús nr. 27.

IV. KAFLI.**Bann við tiltekinni umferð.**

1. Allur akstur fjórhjóla og snjósléða (torfærutækja), er bannaður innan marka skipulags þéttbýlis. Þó er heimilt að aka stystu leið frá heimili og út fyrir mörk þéttbýlis.
2. Allur akstur bifreiða og annarra ökutækja utan vega, án brýnnar nauðsynjar, er bannaður.

V. KAFLI.**Ökuhraði.**

Hámarkshraði ökutækja innan marka skipulags þéttbýlis á Þórshöfn er 45 km/klst.

VI. KAFLI.**Umferðarmerki.**

Við götur og vegi, og á þeim, skulu vera umferðarmerkingar sem gefa glögglega til kynna þær sérreglur um umferð, sem auglýsing þessi tekur til. Ökumönnum og öðrum vegfarendum ber að fara nákvæmlega eftir þessum merkjum og öðrum þeim leiðbeiningum, sem ástæða þykir til að hafa.

VII. KAFLI.**Gildistaka og fleira.**

Reglur þessar, sem settar eru samkvæmt 81. gr. umferðarlaga nr. 50/1987, sbr. auglýsingu nr. 250/1987, um hámarkshraða á þjóðvegum, öðlast þegar gildi.

Úr gildi falla eldri auglýsingar um umferð, svo og allar reglur um umferð í kaupúninu sem kunna að hafa verið settar, og brjóta í bága við reglur þessarar auglýsingar, þ.m.t. ákvæði um hámarkshraða.

Sýslumaðurinn á Húsavík, 31. ágúst 1993.

Halldór Kristinsson.